



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Eius in ægrós & infirmós affectus.

[urn:nbn:de:hbz:466:1-46083](#)

ritate eis obsequebatur; nec per viam, nisi diuinis de rebus, verba faciebat. Conspicatus aliquando collocutionis tempore, quemdam solitariè stantem, Patri cuidam quocum agebat, Quidni, mi Pater, ait, ad bonum illum Fratrem sine socio stantem, alloquendum recreandumque accedimus? Alias frequenter duobus simul Coadiutoribus visis, ipse tertium se admiscebat, officij præstandi causâ; aliorum suorum collegarum societate non inurbanè desertâ; qui studio eius approbato, mox ita inter se: *Fateri denique necesse est, Iuuenum hunc reuerà esse sanctum.* Dici non potest, quantâ eos charitate, cùm ægri essent, habebat. Sæpius visebat per diem, cælestibus, nec iniucundis colloquijs recreabat: æstate, feruentioribus horis, aquam eis è fonte recentem hauriebat, ori refrigerando propinabat, lauandis manibus affundebat; atque ut eorum corpora reficiebat aquæ recentis frigore, sic animos accendebat recreabatque ardente illâ charitate, quâ promptissime illis seruiebat. Diebus Veneris, quando Hortatio domi haberî solet, lubens à coenâ, quæ dicta erant, ijs repecebat; quotidie verò historiam aliquam de beatissimâ Virgine adferebat. Cumque illi exploratum haberent, quâ ferè horâ venire soleret, magno eius desiderio oppriebantur aduentum,

tum, lætiq[ue] iactabant, Iam mox aderit
Ioannes ad historiam narrandam. Et si quan-
do impeditus ad horam fortè non venisset,
Domus Ministrum exorabant, ut venire
eum iuberet, adeò præsentia illius consolari
se experiebantur. Quotidie ad ægrorum om-
nium lectulos promiscuè visebat, ab ingressu
nosocomij exorsus; eosque solabatur diutiùs
qui (quod rariùs visebantur) maiore solatio-
indigebant. Ex cubiculis, vbi maiores depre-
hendebat visitantium cœtus, breuissimè ex-
cedebat ad eos, quorum lectuli nullo consor-
tio cingebantur. Quoniam autem aliquan-
do per contagionis metum eā visitandi li-
centia per dies aliquot domesticis fuerat à
Superioribus interdictum, Ioannes, qui visen-
di officio defungi pro more non poterat, ab
Ægrorum curatore diligenter quærebat, ec-
quì singuli valerent. Hanc tantam charitatis
prolixitatem non ægris modò, sed valentibus
quoque præstabat, quoties obsequium suum
poscebat; vixque pronuntiatis verbis,
promptus, hac similiye formâ respondebat:
Effectum dabo, mi Pater, & lubens. Si labo-
raret P. Minister de reperiendo quem so-
cium adderet egredi cupientibus, Ioannes
vnicum eius erat perfugium, obtemperabat
que semper, nullo commutato verbo. Ac
quia semel à studijs ad comitandum auoca-

tus, (cùm tuendis fortè Philosophiæ thesi-
bus ardentius incumberet, temporeque ege-
ret) senserat aduersus imperium internam
quamdam oblationem; & in præsens qui-
dem, nullo dato signo, comitatus fuit, sed
mox domum reuerius, ad suum illum animi
motum aduertere, diebus aliquot singulare
examen adhibere, maturas præterea considera-
tiones insumere, donec paulò post, ad me
venit indicatum, partam tandem, diuinâ ope,
sui ipsius victoriam, neque iam ullam persen-
tiscere se repugnationem.

Praeterea Philosophiæ disputationibus, sa-
pius eo Minister ad egrediendum vtebatur,
sive quod plures eius appeterent societatem,
sive quod vacuus nullus illo promptior esset,
aut magis præstò: euenitque subinde, ut vix
cum uno aliquo regressus domum, denuò
cum altero egredi iuberetur. Ac semel, fla-
grantissimis æstatis caloribus, ter quatérve
die uno foras egressus, cubiculi eius contuber-
nalis, vicem Ioannis miseratus, Obscurò te,
mi frater, inquit, vide etiam atque etiam quid
agas, neque per imprudentiam pecces, aut
certè in morbum te calores isti conijcient.
Tum ille placide, Mi frater, ait, prudentiam
ego Moderatoribus relinquo; obedire mea
solius cautio est. Festo forte die Scholasticus
aliquis, feruentissimo leonis sidere, sub ipsum
meri-